

محل مطبعه و اداره :

جغسال اوغلنده امنيت

مندوغي حوارنده

شنكول يقوشنده

۲۲ نوسرو

مستطابق

۱۳۲۶

امطار :

مسلکمزموافق آثار

جدیده مع الممنونیه

قبول اولنور

درج ایدله یں آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاست و بالخاصه احوال و شئون اسلامیه و بحث ابر و فائده بر نشر اولنور .

آبونه بدلی

صاحب و مؤسسلری :

ابوالعلاؤین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندربلیرسه سنوی

۲۰ غروش فضله آلنیر

سنة لکی	التي آیلانی	غروش
ممالك عثمانیه ایچون	۶۵	۳۵
روسیه	۶۵	۳۵
سائر ممالك اجنبیه	۱۷	۹

عدد : ۱۲۶

۲ صفر پنجشنبه ۲۰ کانون ثانی ۳۲۶

بشنجی جلد

قرار نامه

حکومت سنیه ایله بلغارستان بیننده ظهور ایدن اختلافك صورت
حلنه دائر دولت علیه و روسیه اره سنده امضا ایدلش اولان مقاوله نامه
ایله دولت علیه ایله بلغارستان اره سنده امضا ایدیلن پروتوقول واکا
مربوط مقاوله نامه نك صورت مترجمه لری مجلس مبعوثانجه تصدیق و تصدیق
ایدلك اوزره مقام صدارتدن باتذکره سامیه کوندرلسی اوزرینه اوراق
مذکوره هیئت عمومیه قرار یله خارجیه انجمنه حواله اولنه رق مبعوث
مقاوله نامه لرك قبولی تنسیب اولنش و هیئت عمومیه جه خفیا جبران
ایدن مذاکره نتیجه سنده مذکور مقاوله نامه ایله پروتوقول و مربوطك
اکثریتله قبولنه قرار ویرلش اولدینی بیانیله هیئت اعیانجه ده تدقیقاده
بولنملق اوزره اوراق مذکوره صورتلری حاوی رساله مطبوعه مصافحه
ایله مجلس مبعوثان خارجیه انجمنك مضبوطه سی صورت مصدقه سی مح
مبعوثان ریاستك ۲۵ ربیع الآخر سنه ۱۳۲۷ و ۲ مایس سنه ۱۳۲۵ تاریخ
واونیدی نومرولو تذکره سی ایله ارسال ایدلمشدر. اشبوتذکره وارده
ایله ملفوفی بولنان پروتوقوللر ایله مقاوله نامه مجلس اعیانده قرائت
اولنه رق اول امرده خارجیه انجمنه لدی الحواله بوبابده انجمنجه قامه
النان مضبوطه ایله اوراق سائر هیئت اعیانده لدی المطالعه اشبو بلغارستان
مسئله سنك پروتوقوللر ایله مقاوله نامه ده کوسریلان صور استلاقیه ایله
حل و تسویه سنه حکومت سنیه بی مجبور ایدن احوال محتاج ایضاح اولد
مسئله قبول و تصدیق هیئت اعیانجه ده ایکی رایه قارشلی اکثریتله تصوی
ایدلش و بلغارستانك بوکون تحت اشغالنده بولنان قطعه حدودی داخلده
اوله رق حال جدید سیاسینك طائمتی و حدود اوزرنده یکرمی قرار
نقاط منازع فیها بولنوب بوزارن طولای آتیا مشکلات تحدی ملحوظ
اولدیفندن بو جهتك دخی بر صورت تأمینیه ربط اولنسی خصوصلر ده
قوة اجرائیه نك استجلاب نظر دقتی و حکومت سنیه ایله بلغارستان
بیننده عقد اولان پروتوقولك التجی ماده سنك ابتداسنده او چنجی ماده سنه
دینیه جك ایکن ایکنجی وینه ماده مذکوره نك فقره اخیر سنده پروتوقول
او چنجی ماده سی دینیه جك ایکن بشنجی و اشبو پروتوقولك فرانسیزجه سنه
مذکور ماده سنك عینی فقره سنده کذلک او چنجی یرینه بشنجی یازلمش
اولدینی کوریلرک تصحیح ایدلش اولدیفندن قوه اجرائیه جه ده اولوجه
تصحیحات اجراسی لزومی تذکر قلمش اولمفلر بوبابده کی پروتوقوللر
ایله مقاوله نامه نك و متفرعاتك صورت مصدقه لرینك معامله لازمه بی
ایضا اولندقدن صکره جریده رسمیه ایله ده اعلان ایدلسی ضمیمه قوه
اجرائیه کوندرلسنه قرار ویرلدی .

۲۶ ربیع الآخر سنه ۱۳۲۷ و ۳ مایس سنه ۱۳۲۵

حکومت سنیه ایله بلغارستان حکومتی بیننده عقد و امضا اولان
پروتوقول ترجمه سی صورتیدر :

محرر امضا دولت علیه خارجیه ناظری ۶-۹ نیسان سنه ۱۱۰۹

تاریخنده در سعادتده امضا اولونان ومتنی آتیده مندرج بولنسان
پروتوقولك محتویاتی حکومت سنیه نامه اوله رق تصدیق ایدر .

غفلت اینجده یارلانونب کیتکده اولدینی بر زمانده امیر جدید فخامتلو
امیر عالم خان حضرتلری جالس تخت سلطنت اولمشلر ، صراط
مستقیمك قسم مخصوصنده کوسریلن اصلاحات اساسیه بی اعلان ایدره ك
امت بخاری بر موت محققدن قورتارمشلر در .

بخارامتفکرینك استقبال وطن و ملتدن وغایه غفلت امتدن متحاشی
بر صورتده چکدکری اضطرابات درونی عید بن الابرصک :

لانضیقن فی الامور فقد تک شف غماؤها بغیر احتیال

ربما تجزع النفوس من الا مرله فرجة کحل العقال

دیدیکی کبی حیلهدن عادی بر صورتده بخاریلرک شمشعه دار بر
استقباله بر استقبال ترقی و تعالی یه طوغرو آتیه جقلری خطوه لره مانع
اوله جق طوزاقلر بوندن صکره انشاه رفع اولنمشدر .

فخامتلو امیر جدید حضرتلرینه وطنك ، امتك رفاه ، سعادت
موجب اوله جق اصلاحات اساسیه قانونندن طولای عرض تشکرات
ایدره ك ، ملتك سویه عرفانی تعالی ایتدیره جك اولان مكاتب
و مطبوعاتك كشاد و تکثیرینه فرامین هایونلرینك دریغ بیورلماسنی
عالم اسلام نامه رجا ایدره رز .

هیچ شبهه یوق که بوکون بخارا تشنه علم و عرفاندر . ایشته
بو تشنه کی ملتی سیراب ایدره جك مکاتب منتظمه جدیده ، ولسان
مادرزاد اوزرنده اولان مطبوعات محلیه اولدینی البته ذات هایونلری ده
تقدیر ایدره لر .

معالمسار استخبار اولندیغه کوره بخارای شریف داخلنده
موجود سرایلردن بری منتظم بر مکتب شکل و ترتینه افراغ اولنق
اوزره معمار مخصوصنه اوامر امیری تبلیغ اولنمشدر . بو مکتبده
لیلی اوله جق فقرا جوجقلری مصارف لازمه سی طرف حکومتدن
تسویه اولنق اوزره مجانا تربیه و تعلیم اولنه جقلری بیلدریلیور .

ایشته بو اجراآت ، اصلاحات امیر جدید حضرتلرینك نه در جهلرده
ترقی پرور ، منور و متفکر بر اسلام امیری بولندقلرینی کوسترمکده
اولدیفندن بالعموم بخارالی وطنداشلری دور مسعود ایله تبریک
و فخامتلو امیر جدید حضرتلرینك سریر سلطنتلرنده عمر و عافیت
ایله بر قرار بولنلری ، ترقی و تعالی ، اسلامیه بی موجب اوله جق
خدماتده موفق اوللری دعاسیله ختم مقال ایدهرم .

نور علی زاده

غیاث الدین حسنی

پروتوقول

حکومت سنیه ایله بلغارستان بیننده ظهور ایدن اختلافك صورت
حلنه دائر عقد و امضا ایدیلوب مجلس عمومیه قبول و تصدیق اولنان
و مرعیت احکامنه بالاستیدان اراده سنیه حضرت پادشاهی شرفصدور
بیوریلان پروتوقول واکا مربوط مقاوله نامه نك صورت مترجمه لرله
هیئت اعیانك اولبابده کی قرار نامه سی صورتلریدر .

پروتوقول

دولت علیه ایله روسیه حکومتی بیننده ۳ مارت سنه ۱۹۰۹ تاریخده آدره فرندوم صورتیله پترسبورغه امضا اولنان پروتوقول احکامی اجراء بر طرفدن حکومت سنیه نامنه حرکت ایدن خارجی ناظری رفعت پاشا - حضرتلری و دیگر طرفدن بلغارستان حکومتی نامنه حرکت ایلین تجارت و زراعت ناظری موسیو « لیه یچف » آرسنده ژیرده محرر استلافات عقد اولمشدر .

ماده ۱ : بلغارستان حکومتی مذکور پروتوقول احکامه کسب اطلاع ایدرک اکا تمامیه موافقت و برلین معاهده نامه سنک روسجق - وارنه تیمور یولنه متعلق اولان اونجی ماده سنک برنجی فقره سنندن منبعث هرگونه مطالبدن حکومت سنیه قارشی فراغت ایلدیکنی بیان ایدر .

حکومت سنیه دخی دولت علیه ایله روسیه حکومتی آرسنده پترسبورغه امضا ایدیلن پروتوقول اونجی ماده سنه توفیقاً بلغارستان و شرقی روم ایلیه قارشی ۲۲ ایلول - ۵ تشرین اول سنه ۱۹۰۸ تاریخه قدر موجود اولان کافه مطالب مادیه دن فراغت ایلر . مع مافیه مذکور پروتوقول اونجی ماده سنک صوک فقره سی « نظامنامه داخلی و مربوطاتیله Par le règlement organique et ses annexes کلمه لرنده ختام بوله جق و بوکاسطر باشی اوله رق « بلغارستان حکومتی روم ایلی شرقی ویرکوسی مقابلی اولان قرق میلیون فرانق اوزرینه ۲۲ ایلول - ۵ تشرین اول سنه ۱۹۰۸ تاریخدن اعتباراً اشبو پروتوقول تصدیقی تاریخه قدر یوزده بش فائض تأدیه لیده جکدر » فقره سی علاوه ایدیه جکدر .

ماده ۲ : جماعات اسلامیه نك و اوقافك صورت تنسیقنه متعلق اولان ملفوف صورت تسویه اشبو زمانده امضا ایدیه جکدر . اهالی اسلامیه کماکان سربستی مذهب و سربستی آیین و عبادت تأمین ایدیه جکدر . بونلر مذاهب سائریه منسوب اهالینك حائر اولدقلری عین حقوق مدنی و سیاسیة دن استفاده ده دوام ایده جکدر . جوامع شریفه ده خلیفه مسلمین صقیله نام نامی حضرت پادشاهییه خطبه قرائته دوام ایدیه جکدر .

اوقاف مستشایه کلنجه بلغارستان حکومتی نهایت اوج آی مدت طرفنده بر اداره قومیسونی تشکیل ایده جک و بو قومیسون علاقهداران طرفدن درمیان اولنه جق مطالب و مدعیاتك حق و صوابه مقارنتی تدقیق ایلیه جکدر .

ماده ۳ : بلغارستان حکومتی حکومت عثمانیه نك پوسته و تلغرافدن طولای اولان مطالبی ایچوز پوسته بونلری مالزمه و سائریه مقابل یوز اون بیک فرانق تأدیه سنی تعهد ایدر .

ماده ۴ : بلغارستان ایله روم ایلی شرقیده کائن فرارلر ایچون بلغارستان حکومتی حکومت عثمانیه یه یوز سکسان بیک اوچوز یدی

فرانق تأدیه ایده جک و بوضورتله قرارلر اداره سنک کافه مطلوباته تسویه پذیر اولمش نظریله باقیله جقدر .

ماده ۵ : بلغارستان حکومتی باب عالینك اداره صحیه یه متعلق مطالبك حق و صوابه مقارنتی بالنسلیم حکومت سنیه درت یوز الی طقوز بیک طقوز یوز او تونز طقوز یچق غروش تأدیه سنی تعهد ایلر .

ماده ۶ : اشبو پروتوقولك اونجی ماده سنندن بشنجی ماده سنه قدر اولان ماده لرنده مصرح مبالغ مختلفه دن فرانق اوله رق تسویه سی مشروط اولان مبالغ اشبو پروتوقولك تصدیقندن اعتباراً اوربش کون طرفنده بهر فرانق ۴۰ ۴۰ غروش رسمی قامیو حسابیه در سعادته تسویه اولنه جق و روسیه ایله دولت علیه بیننده منعقد پروتوقولك اونجی ماده سنک فقره اخیر سننده مصرح فائض لر عین شرائطه عین مدت طرفنده تأدیه قلنه جقدر .

ماده ۷ : تقلیات ایله ضبط اولنان مالزمه و سائرده دن و برده ۹ - ۲۲ ایلول سنه ۱۹۰۸ تاریخندن اعتباراً پترسبورغه منعقد پروتوقولك اونجی ماده سننده مصرح قرق میلیون فرانقندن قومپانیایه اصابت ایدن حصه نك تسویه سنه دکن اشغال اولنان خطوط اوزرنده ایشاتمه تضمیناتندن طولای بلغارستانك طوغریدن طوغرییه شرق شمندو فرلری قومپانییه سنه اولان دیونی بلغارستان حکومتیه قومپانییه آرسنده بالاتفاق تسویه و تنظیم قلنه جقدر .

ماده ۸ : حکومت سنیه ایله بلغارستان حکومتی بیننده موجود و پترسبورغ پروتوقولك بشنجی ماده سننده مصرح اولان مسائل معلقه بالاده بیان اولندیغی وجهله فیصله پذیر اولمش اولدیغی جهته حکومت سنیه بلغارستانك حال جدید سیاسیسی طانیدیغی بیان ایلر .

ماده ۹ : اشبو پروتوقول تصدیق اوله جق و تصدیق نامه لری سرعت ممکنه ایله و نهایت بر آی طرفنده در سعادته مبادله ایدیه جکدر . اشبو پروتوقول ۶ - ۱۹ نیسان سنه ۱۹۰۹ تاریخنده ایکی نسخه اوله رق در سعادته تنظیم قلنه شددر .

امضال

آ. لیا یچف رفعت

محرر امضا اشبو پروتوقول احکامنك تمامیه بالرعا یه اجرا اولنه جغنی بیان ایدر . اشبو بیاننامه بلغارستان حکومتك تصدیقی مبین بویولده بر بیاننامه ایله مبادله ایدیه جکدر .

حکومت عثمانیه ایله بلغارستان حکومتی بیننده ۶ - ۱۹ نیسان سنه ۱۹۰۹ تاریخیه عقد اولان پروتوقوله مربوط اولان و عین تاریخده امضا ایدیلان مقاوله نامه نك ترجمه سی صورتیدر :

محرر امضا خارجه ناظری ۶ - ۱۹ نیسان سنه ۱۹۰۹ تاریخنده در سعادته امضا اولنان و آتیده مندرج بولنان مقاوله مربوطه محتویاتی حکومت سنیه نامنه اوله رق تصدیق ایدر .

ماده ۱ : صوفیه ده بر باش مفتی بولنه جق و مفتی مومی الیه بلغارستانده کی مفتی لک شرع شریفه متعلق امور مذهبی و حقوقیه

ایچون مقام جلیل جناب مشیختنهی و بلغارستان مذاهب نظارتیه وقوع بوله حق مناسباتنه وساطت ایله جکدر . باش مفتی امر انتخابی اجرا ایچون صورت مخصوصده اجتماع ایدیه جک اولان بلغارستانده کی مفتیلر طرفدن و میاندن انتخاب قنده جکدر . مفتی وکیللری اشبو اجتماعه آنجق منتخب صفیلر اشتراک ایدیه جکدر . بلغارستان مذاهب نظارتی باش مفتینک انتخابی صوفیه ده کی دولت علیه قومیسر لکی واسطه سیله مقام معالی جناب مشیختنهای به تبلیغ ایدیه جک و طرف عالی مشیختنهایدن مفتی مومی الیه بر منشور و امور مأموره سنی افوا بوباید کندیسی دخی بلغارستانک دیگر مفتیلرینه عین مآذونیتی اعطا ایدیه بیلسی ایچون بر مراسله کوندر یله جکدر . باش مفتی احکام شرعیه دائره سنده بلغارستان مفتیلرینک معاملات و مؤسسات مذهبی و خیریه اسلامی و مؤسسات مذکوره خدمه و متولیلرینی نظارت و تفتیش آلتنده بولندیر مق حق حائز اوله جق در .

ماده ۲ : مفتیلر بلغارستان مسلمان منتخباری طرفندن انتخاب اولور . باش مفتی انتخاب اولنان مفتینک شرعاً مطلوب اولان کافه اوصافی جامع اولوب اولمادیغی بالتحقیق موافق بولدیغی حالده افتایه مآذونیتی حاوی مومی الیه نامنه منشور اعطاسی لزومی باب مشیخته اشعار ایدر و مفتی جدید بو صورتله استحصال اولنه جق منشور ایله برابر اهالی مسلمنه بیننده اجرای احکام شرعیه ایچون مآذونیتی حاوی ایجاب ایدن مراسله یی اعطا ایدر . مفتیلر دائره مأموریتلری داخلنده و لزوم کوریلان محللرده اشبو مقاوله نامه ده معین وظائف محلی مفتیلرینک طوغریدن طوغری به نظارتی آلتنده اوله رق ایفا ایتک اوزره مفتی وکیللری تعینتی تکلیف ایدیه بیلیلر . شو قدر که بو انتخابی باش مفتی به تصدیق استدیرملری مشروطدر .

ماده ۳ : مفتیلرله وکیللرینک عزل مأمورین حکومت حقنده کی قانونه توفیقاً وقوع بوله جکدر . باش مفتی ویا وکیل و ترخیص ایدیه جکی مأمور بر مفتینک ویا بر مفتی وکیلک عزل حقنده تدقیق احوال مأمورین قومیسونجه قرار ویریه جکی زمان قومیسون مذکوره بولمغه دعوت ایدیه جکدر . مع هذا باش مفتینک ویا مأمورینک رای و مطالعه سی مجلس مذکوره صرف بر ماهیت دینی حائز اولان شکایاتک تقدیرنجه اساس تشکیل ایدیه جکدر . بر مفتینک ویا بر مفتی وکیلک عزل ورقه سنده خلفنک یوم انتخابی تعین قنده جکدر .

ماده ۴ : مفتیلر طرفندن اصدار اولنان حجت و اعلاملر باش مفتی طرفندن تدقیق اولنه جق و باش مفتی بونلری احکام شرعیه موافق بولدیغی تقدیرده تصدیق ایله موقع اجرایه قونلمق اوزره عائد اولدیغی دائره به تودیع ایدیه جکدر . احکام شرعیه به عدم توافقدن طولانی تصدیق ایدیلان حجت و اعلاملر بونلری ویرن مفتیلر اعاده اولنه جق و متعلق اولدقلری ایشلر بر نهج شرع شریف یکیدن تدقیق و فصل ایدیه جکدر . احکام شرعیه به توافق ایتدیگی آکلاشیلان ویا خود باب فتوا جه تدقیق علاقه داران طرفندن طلب ایدیلان حجت و اعلاملر باش مفتی جانبندن مقام جلیل مشیخت علییه کوندر یله جکدر .

ماده ۵ : باش مفتی ایجابی تقدیرنده نکاح ، طلاق ، وصیت ،

وراثت ، وصایت و سایر مواد شرعیه ایله اموال ایتامک اداره سنده متعلق مسائلده دیگر مفتیلر و صایا و تبلیغات مقتضیه ایفا ایدیه جکدر . بوندن ماعدا مفتی مومی الیه مصالح مبحوثیه دائر اولان شکایات و مستدعیاتی تدقیق و احکام شرعیه به نظر آنه یاپلمق لازم کله جکینی دائره عائد سنده اشعار ایدیه جکدر . مفتیلر اداره اوقاف ایله دخی مکلف اولدقلرندن باش مفتینک باشلیجه وظائفندن بریده آنلردن حساب طلب ایتک و بوکا متعلق حساب دفترلری حاضر لاقمقدر . اوقاف حساباتنه متعلق دفاتر ترکیه طوتیه یله جکدر .

ماده ۶ : باش مفتی و مفتیلر عندالحاجه بلغارستانده کی معارف عمومی مجلسلری و مکاتب اسلامییه و مدرسه لری تفتیش و لزوم کوریلان محللرده مکتبیلر احداثی ضمننده تشیبات لازمه اجرا ایدیه جکدر . باش مفتی لزوم و ارایسه معارف عمومی اسلامییه متعلق امور و مصالح ایچون دائره عائد سنده مراجعت ایدیه جکدر . بلغارستانده کائن مکاتب اسلامییه و جوامع شریفه نک محافظه و اداره سی ایچون بلغارستان بودجه سندن برمبلغ کافی تخصیصنه دوام اولنه جکدر .

ماده ۷ : بلغارستانده بولنان املاک موقوفه نک حسن محافظه سنده دقت و اعتنا اولنه جق و بر محیوریت مبرمه به مبتنی و قوانین و نظامات شرعیه به موافق بولند قجه مبانی دینی و یا خیریه دن هیچ بری هدم ایدیه یله جکدر . اسباب مبرمه دن ناشی مبانی موقوفه دن برینک استمالاکی ایجاب ایتدیگی تقدیرده بو بنانک مبنی بولندیغی محله نسبتله عینی قیمتی حائز دیگر بر عرصه اراؤه ایدلکجه و برده بنانک قیمتی تسویه اولند قجه بوکا تشبث اولنه یله جکدر . اسباب مبرمه به مبنی استمالاکی اولنه جق اولان املاک موقوفه نک قیمتلری اوله رق تأدیه اوله جق مبالغ بلغارستانده کائن مبانی موقوفه نک تعمیر و ترمیمنه و لزوم کوریه جک محللرده دیگر مؤسسات دینییه نک انشاسنه تماماً صرف و تخصیص قنده جکدر . باش مفتی بونلره متفرع حساباتی تدقیق ایتک و هر کونه سوء استعمالات و وقوعی منع ایتک وظیفه سیله مکلفدر .

ماده ۸ : اشبو مقاوله نامه نک امضاسندن اعتبار آالتی آیت مدت ظرفنده بلغارستان حکومتی طرفندن باش مفتینک دخی بحق داخل اوله جق بر قومیسون مخصوص تعین اولنه جق و بوقومیسون زمان تشککندن اعتبار آاوج سنه ظرفنده بو آنه دکی متولیلر یا آنلره منسوب اصحاب حقو طرفلرندن واقع اولان مطالبی تدقیق و تحقیق وظیفه سیله مکلف بولنه جکدر . قومیسونک مقرراتی کندیلرنجه موجب خشنودی عد ایتیه جک اولان علاقه داران محاکم عائد محلییه مراجعت ایدیه یله جکدر .

اشبو مقاوله نامه ۶ — ۱۹ نیسان سنه ۱۹۰۹ تاریخده ایکی نسخه اوله روقه در سعادتده تنظیم ایدیلشدر .

امضال

رفیت

آ . لیاچف

محرر امضا مقاوله مربوطه احکامنک تمامیه بالرایه اجرا

اوله جفتی بیان ایدر . اشبو بیاننامه بلغارستان حکومتک تصدیقی
مبن بویولده بر بیاننامه ایله مبادلله اولته جقدر .

۲۷ ربیع الاخر سنه ۱۳۲۷ و ۴ مایس سنه ۱۳۲۵

مکاتیب

روح الاسلام

مسلم شیخ وشاب ومعلوم اولوالالبادرکه فقهایی کرام وعلمای
عزائد اسلامک (المسلمون لابلهم من امام قادر علی تنفیذ الاحکام)
و (من مات ولم یعرف امام زمانه فمداته میتة جاهلیه) کلام سعادت
انجامی مفهوم منجه زمره اهل ایمان ایچون بر متبوع وامام لازم
وواجبدر . زیرا اعظم ارکان دیندن اولان جمعه ویرام نمازلی کبی
بر چوق عبادات مهمه نک صحتک موقوف علیهی بر متبوع وامامک
موجود اولمیدر . امامت دخی صغری وکبری نامرله ایکی به منقسمدر
اوقات صلاته محرابه کچن کوچوک امامدن اول رفیع رأس ایله اکا
مخالفت ایدنک روز جزاده جزای سزاسی باشنک حمار باشنه تبدل
ونحولی (اما یخس احدکم الخ) حدیث شریفله مثبت اولنجه مقام
خلافت کچن بیوک امام وخلیفه اسلامه عدم اتباع ایله رفع رأس ایدنک
جراسنک جسامتی اثبات عقل عقلایه تفویض اولمشدر . بناء علی ذلک
مقدما مجلس اعیانده تبعه عثمانی ترکیندن (تبعه) کله سنک ترک وعدم
ترکی موضوع بحث اولدینی زمان عدم ترک جهتی التزام رئیس
واعضای اسلامیه دن امید اولنور ایکن ضدینک ظهوری موجب
ا ب اولدینی کبی اعضای غیر مسلمه دن ایکی ذات حیت صفات
طایفدن مدافعه وعدم ترکی جهتنک التزامی جمعیت اسلامیه جه موجب
تکر اولمشدر (حسبنا الله ونعم الوکیل) معافیله بومسئله مهمه دینی
وسیاسیه روح الاسلام اطلاقه شایان ایکن شوکله نک ترکی تجویز
وزویج ایدنر بوترکک استقباله اسلامه نه درجه مضرات عظیمه ایراث
ایله جکینی عجبا ادراک ایدن یوقی ظن ایدیورلر ؟ حاشا ! ..
بزم کبی یوز بیکلرجه اسلام بومسئله نک انتظارنده اولدقلرینی
اید ایدرم .

بارباروس تربه سنده مسافر

ارزنجان مولوی شیخی کاشی

ابراهیم حق

دین یولنده

اخوان دیندن بر ذات فاتح جامع شریفنده وکالة وظیفه امامت
اینا ایدن حافظ ادريس افنديک تلاوت قرآن کریمده کی مهارتی ،
حسن اداسنی توصیف وجمعه کونی صلات فجر دن صکره سورة یس
قرائت ایده جکینی تبشیر ایلمشیدی .

جامع شریفدن بر چاریک قدر ایددی اولان فقیر خانه دن وقت

فجرده طریق فاتحه روان اولدم . قرطاشی جوارنده کی جوامع شریفه
مناره لنده اذان محمدی اوقونیوردی . دوشوندم نیارب مؤذنر نه بختیار
قولار کدر ، بویله بر هواده اجرت نامه بلدکده برهیچ مقابلنده وظیفه
مقدسه لرینی کمال خواهشله ایفا ایدیورلر ، نه اولور اوقاف نظارتی قسم
کلینک هنوز آقچه حسابیه تسویه اولنان ومقدارلری غایت جزوی
بولنان خدمه اوقاف معاشاتی تنسیقا حد نصابیه ابلاغ ایتسه وحق
تقاعددن استفاده لرینی تأمیناً معاشلرندن عادات تقاعديه توقیفیه حال
شیخوختلر نده کندی لرینی وبعدالوفات اولاد ذکوری اولیانلرک عائله لرینی
فقر وضرورتدن ، سفالتدن تخلص ایلسه ! .. دیدم وبوتنی خالصانه مک
عند الهیدر مظهر حسن قبول اولسی ایچون ، بتون افعالی اسمی کبی
خیره منجر اولسی الطاف سبحانیه دن مستدعا اولان اوقاف ناظرینک
بوامر خیرک تأمین حصولده موفیقی ایچون اذان محمدی دن استعانه
ایلدیم .

عین زمانده قرطاشی حریق محنده کی سواققلرک چامور دریایی
حالنده وکیلله میه جک صورتده اولدینی کوروب متأثر اولدم وکوج
حال ایله جامع شریفه واصل اوله بیلدم .

ملت اسلامیه نک مدار فخر ومباهاتی اولان علمای کرام وطلبة
ذوی الاحترام ایله مالی اولان اونورانی ، علوی منظر جامع شریفده
صلات فجره اجرای امامتدن صکره سورة یس تلاوت ایدن حافظ
ادريس افنديک مخارج حروفه رعایت خصوصنده کی اعتنای مخصوصنه ،
صوتنده کی لطافته ، اداسنه جداً حیران اولدم . علم تجویذک ادغام واقلاپ
بختلرینک تطبیقاتنه بدرجه ده صرف اعتنا بیوررلرله برنجی درجه ده
قارئلر صره سنه داخل اوله جقلردر . بولزومی کندی لرینه صورت
خالصانه ده توصیه ایدرم . زادالله امثالهم .

م . ن

مطبوعات

بیرونده منتشر (الرأي العام) رفیق محترمده اتحاد اسلامی تشویق
بولنده منظور من اولان قصائد بلیغیه عیناً نقل ایدیورلر :

المؤمن للمؤمن

کالبنیان یشد بعضه بعضا

(حدیث شریف)

نظرت فاذا كنت مهجتي النظرات	وسالت دما من عيني الحسرات
بکیت وما یجیدی بکائی وقد نبت	صوارمنسا واشتدت الازمات
بکیت علی الاسلام ضاعت حماه	وقد وضعت فی سبيله العثرات
نفی الغرب ایقاظ وفی الشرق نوم	وللنوم الاطماع مفترسات
یکیدون للاسلام والله حافظ	اذا ماتولت اهله الغفلات
نظرت الی الاسلام نظرة راحم	فقات ومنی تصعيد الزفرات
الانھضة ترجی النفوس الی العلی	تبرهن ان الشرق فیہ حیاة